

ut in eadem ecclesia ordo canonicus secundum regulam beati Augustini perpetuis temporibus inviolabiliter observetur. Ad hec decernimus, ut Owense predium cum omnibus suis pertinentiis, et predium de Magis cum omnibus suis appendiciis, necnon et mansi in valle quę Pustrissa nuncupatur constituti, necnon et quascumque possessiones, quęcumque bona eadem ecclesia inpresentiarum iuste et canonice possidet, aut in futurum concessione pontificum, largitione regum, vel principum liberalitate, fidelium oblatione, seu aliis iustis modis prestante Domino poterit adipisci, firma vobis vestrisque successoribus et illibata permaneant. Obeunte vero te nunc preposito, sive tuorum successorum aliquo, fratres ibidem Deo militantes aliam idoneam personam eligendi liberam potestatem habeant, et si forte vota eligentium se in partes diviserint, is ad amministrationem prefatę ecclesię succedat, quem potior et sanior pars fratrum elegerit. Ad hec statuimus, ut decimas de terris, vineis, novalibus, que vel quas propriis sumptibus colunt, libere sibi retineant et nulli exolvere cogantur. Idem etiam de nutrimentis animalium suorum decernimus. Sepulturam quoque ipsius loci liberam esse concedimus, ut extremę voluntati et dispositioni eorum qui se illic sepeliri deliberaverint, nisi forte excommunicati sunt vel interdicti, nullus obsistat, salva tamen iusticia parrochialium ecclesiarum, de quibus mortuorum corpora assumuntur. Nulli preterea fas sit familiam prefatę ecclesię per synodum vel per placitum indebite fatigare; nec liceat principi nec comiti nec alicui ecclesiasticę aut seculari personę indebitas et iniustas exactiones in prefata ecclesia exercere, aut sacerdotibus et clericis in eius obedientiis commorantibus iniusta gravamina irrogare. Decernimus ergo ut nulli omnino hominum liceat predictam ecclesiam temere perturbare aut eius possessiones auferre, vel ablatas retinere, minuere, aut aliquibus vexationibus fatigare, sed omnia integra conserventur et illesa, eorum pro quorum gubernatione et sustentatione concessa sunt, usibus omnimodis profutura; salva in omnibus Aquilegiensis sedis reverentia et diocesani episcopi canonica iusticia. Si qua igitur in futurum ecclesiastica secularisve persona hanc nostrę constitutionis paginam sciens, temere contra eam venire presumpserit, et secundo terciove commonita, congrua satisfactione si non emendaverit, potestatis dignitatisque suę periculo subiaceat, reamque se divino iudicio de perpetrata iniquitate cognoscat, et a sacratissimo corpore et sanguine domini nostri Iesu Christi aliena fiat, et cum Dathan et Abiron, quos terra vivos absorbit, pereat, et cum Iuda traditore Christi eterne dampnationis ignem ferat.

Ego¹ Oudalricus Aquileg. patriarcha, apostolicę sedis

1) Dieses 'Ego' scheint autograph zu sein, die folgenden Unterschriften vielleicht ganz.